



UNIVERSITÄTS-
BIBLIOTHEK
PADERBORN

Universitätsbibliothek Paderborn

Triapostolatus Septemtrionis

Caesar, Philipp

Coloniæ Agrippinæ, 1642

10. Continentia eius, & alia pia opera.

urn:nbn:de:hbz:466:1-43650

in eadem Presbyter est demoratus Parrochia: vocatus tamen Episcopus, & secundum quod poterat cuncta potestate Præsidentis ordinans. Perceptâ verò consecratione Pontificali, cœpit in omnibus etiam deuotus se agere, & virtutum studia quæ prius exercuerat multiplicius augmentando cumulare.

CAP. X.

Continentia eius, & alia pia opera.

Namque à primæuis temporibus magnæ vir iste fuit continentia, ac deuotiorè Domino Omnipotenti ab ineunte feruinit ætate. Vinum & siceram, ac omne vnde inebriari potest non bibit. Esca autem eius erat panis & mel, holera & poma. Namque ab esu carniū, à lacte & piscibus, temperabat. Nisi quòd memoratus Apostolicus Adrianus ei iam in nouissimo propter valetudines, quas in corpore tolerabat frequentes, quò piscem comederet præcepit: Cuius auctoritati ipse obtemperans, paululum indulgentius in hac parte agere cœpit. Præterea nullus ferè dies transiit, quo non sacra Missarum solemniam cum magno fletu ac contritione cordis celebraret. Intentus erat iugiter lectioni atque meditationi sanctæ doctrinæ: Psalmodiæ quoq; pariter studiosissimè inuigilans, ita vt penè cotidie Psalterium, aliquando etiam duo vel tria decantaret.

His

His itaque & alijs bonorum operum exercitijs vir Dei suffultus, magnam populis in suimet ostentatione gratiam Domini prætendebat: Sicque doctrina eius duplīcī præfulgebat oraculo, dum quod prædicabat ore, confirmabat exemplo. Pertransiuit itaque in circuitu suæ Diœcesis vir iste Beatus, confirmans populum Christianum, qui olim baptizatus fuerat, & prædicationis verbo multorum ad viam salutis errantium corda compungens. Edificauit quoque Domum Dei miræ pulchritudinis in loco qui dicitur Brema, vbi & Sedem esse constituit Episcopalem, ac dedicauit eam Calendis Nouembris, die Dominico, in honorem Domini nostri Iesu Christi sub inuocatione Sancti Petri Apostoli.

*Templum
Brema ad-
ficatum, &
Sedes Epi-
scopalis ibi.*

CAP. XI.

*Quomodo in Plexem agrotauerit, & mortuus sit,
Brema autem sepultus.*

Post hæc verò cum studio piæ intentionis cunctâ in circuitu perlustraret Parochiam, ac docens ea quæ Dei sunt plurimos in fide corroboraret: peruenit ad locum qui dicitur Pleccateshem, ibiq; consistens, graui cœpit corporis febre vexari & de die in diem languor crescebat fortissimus, ita vt cum eò positi Discipuli illius de vita eius vltiore iam desperare cœpissent. Quorum vnus, qui Beato vi-
ro for-